

瑞金縣志卷三

武進張國英重修



營建志 上

城池

學校

學田書院社學坊表附

公署

營制

鋪遞教場附

祠廟壇壝

藥局育嬰堂養濟院普同塔附

倉儲

橋渡

茶亭附

園亭

樓臺第宅附

寺觀

周禮匠人營國始城市而後宮室凡有興作無不以次舉法至詳也瑞自南唐開邑規模甫肇環山帶水而城池以立於是建學校以興賢創公署以出治武備不可或弛而營制立焉神道亦以設教而壇壝隆焉備凶荒則有創儲

瑞金縣志

卷三

營建志

利往來則有橋渡園亭寺觀亦士大夫之所登臨憑眺者名山勝景往往傳之然皆月異歲新久而大備所賴後之人相繼修葺有其興之莫或廢之安見教治之攸同神人之胥洽與夫旱潦之無患不關修舉勿替之功也乎作營

建志

城池

古之為國者在德不在險故雖高城深池或至委而去之  
鄒嶧之言有明徵矣然詩曰公侯干城易曰重門擊柝道  
固不可偏廢者矧為一邑保障之資所以衛人民壯觀  
瞻其制可不詳哉瑞金城建于宋元之際其後雖屢加增  
拓然廣僅四百餘丈高丈有六尺而東南一角尤當綿貢  
之衝自有明至今屢為水所傾圮綢繆之計自宜早為之  
所若李冰之於蜀孔宗翰之於贛其遺法猶存或可做而  
行乎是在深於經濟者審度之而已

城始建無考元至正癸巳判官黃榮忠循故址修築週迴二

瑞金縣志

卷三 城池

二

百四十步

贛州府志云圖  
二百三十丈

高一丈六尺厚視崇少殺為雉

堞千十有八警鋪五十六門四東曰朝陽南曰觀光西曰  
挹秀北曰拱極皆覆敵樓其上東阻貢水南阻綿水西北

鑿址為隍延袤二里廣二丈深殺三之二東南角當二水

之衝上建拱日樓以鎮之明洪武甲辰

西江志云吳  
元年甲辰

千戶

劉廣重修成化丁未羣盜鴟張城隘難守參政張琳檄知

縣方瑛展拓城基視舊增三之一以費缺未就工宏治庚

戌張副使璵委推官張獻訓導陳璇守禦千戶李宣率義

官楊淑莊廖丕績危孟紀鍾儀漢等陶甃修砌週迴四百

餘丈

贛州府志  
作圖五里

并增雉堞警鋪正德丁卯周都御史南檄

知縣林裡增築四之一

贛州府志云正德丙寅雨圯九十餘丈兵備副使陳恪檄掌縣事照

曆杜偉修完周都御史南檄知縣林裡增築四百餘丈白中丞西江志同

甲戌春雨城圯

贛州府志

云內外共六十餘丈

知縣鮑珉白王都御史守仁邢知府珣重修嘉

靖庚子夏雨復圯李都御史顯檄知縣王鈺用石築堅厚

改建南門去舊址約三十步額其樓曰達觀辛丑東西北

三門敵樓壞知縣趙勳重修戊午知縣陳宗舜增高城垣

三尺隆慶庚午知縣呂若愚當文廟櫺星門之前闢一門

曰宣文于是外拱龍山近環綿水煥然改觀計城門則有

五矣萬歷丙午大水冲壞城垣東南隅尤甚拱日樓圯秦

都御史耀檄知縣喬杞盡修復之

瑞金縣志

卷三

城池

三

國朝康熙己卯改建文廟再拓宣文門高廣視昔加半易宣文

曰大成門上建層樓曰翰閣改麗譙之在東者曰青雲閣

郎昔之拱日樓也康熙丙戌五月大水暴漲止存西北二

門未大壞南城塌僅存敵樓大成門翰閣青雲閣東門敵

樓盡圯西城垣堞崩十餘丈五十八年知縣任澐修復大

成門未建門樓雍正六年知縣徐希茂奉文修築東門城

樓及南門牆于西城改築三合土雍正十年知縣馬士奇

復建翰閣及拱日樓乾隆十八年知縣郭燦重建學宮因

重修翰閣

按南門城樓明嘉靖庚子夏久雨傾圯李都御史顯檄

知縣王鈺改建額其樓曰觀光上祀

真武神像取以水鎮火之義舊樓工料苟簡年久傾圮嘉慶戊寅五月知縣蔣率同紳士鳩工重修煥然一新四面牆壁改砌磚石以昭鞏固靠城本屬官基後被邑人鍾昌連在城左造店一間李未攀在城右造店一間洞口偏仄輿馬難行因督紳士估計鍾店工料值錢八千八百文李店工料值錢十三千二百文照數給價飭令折去遷移并示永禁存案俾局面寬展氣象光昌官民出入可無壅擠之虞矣

咸豐七年署縣黃諭邑人捐貲興工全修費以萬計嗣被

瑞金縣志

卷三

城池

四

賊損壞於同治九年前任孫雇工修葺近又崩頽署縣張籌款二百七十元命邑人楊希昌劉恆豐等董理修復

學校 學田書院社學坊表附

古者建國君民教學為先故家有塾黨有庠術有序國有學典至備也漢武帝詔天下郡邑皆立學校唐貞觀四年立孔子廟于郡邑學于是祭菜之設鼓篋之堂徧天下矣瑞之學自南唐保大年始建歷宋元明凡五徙而始定滙貢綿二水于泮池之前列筆架三峯于几案之外美哉郁郁乎固風氣之所翕聚人文之所孕毓也自時厥後遞有修建而規制益宏欣逢我

國家

列聖相承重道尊師

瑞金縣志

卷三

學校

五

欽頒扁額疊賜書籍祭器樂器燦設畢陳巍巍煥煥豈非千載一

時乎多士遭逢極盛必將鼓舞奮興雲蒸霞蔚以應

休明之景運也猗歟盛哉

學宮舊在縣治西即今城隍廟地南唐保大間建宋崇寧間

徙縣東城外聶公壩

舊志云壩有故學貢水環其東南綿水繞其西北

繼徙縣北

紹興辛酉邑令郭貽仲徙縣右即今址乾道庚寅邑令孫

紹重修元至正己丑縣升會士魯教諭彭學復新之明洪

武宣德間教諭陳高傳高先後繼修正統己己寇毀僅存

殿廡堂齋景泰甲戌知縣徐安重建成化己亥教諭鄭信

圭復修宏治乙卯知縣李綸徙于縣西舊東嶽廟即今綿

江書院正德甲戌知縣葉繼本復新之嘉靖甲申知縣鄧  
杞奉兵備沐公大輅檄復徙故址工未就知縣鄭禧代之  
始成丙申訓導李又貴攝縣借典史何叔夜增建號舍十  
間後號舍移于鄉校今廢隆慶辛未廊廡牆垣皆圯知縣呂若愚以  
城垣逼近風氣不通乃開宣文門而規模尙嫌庫窄乃請  
諸當道慎選耆民楊春霆湯撫謝昌慶危种朱和謝乾亮  
謝詔楊勝椿陳堯臣楊可贊鍾承禎賴學伊朱黻蘇祥瑞  
等鳩材募工增買民地一百餘丈殿廡堂閣齋舍俱從而  
北制益宏厥萬歷癸卯

大成殿及明倫堂頽壞知縣堵奎臨修復甲寅知縣潘舜歷  
瑞金縣志

卷三 學校

六

重修東廡及敬一亭立坊表于泮池之前顏曰大成聖域  
國朝康熙辛酉學宮圯知縣徐友貞重修己卯圯知縣田俞率  
諸生重建郡守謝錫袞有記董事生員楊枝衍謝重捷朱  
大仁楊枝珽劉光祖劉琛楊兆渭楊時儼朱錫衍楊枝續  
謝重揚楊于觀楊枝雲楊時儀劉貞劉楨張彬楊純熙廖  
名愷朱愈齡朱泗謝瑞學劉模楊枝芹謝成球危夢庭周  
冕楊方菁危月燕謝稱楊枝璋楊枝超賴惟覺鄧之稔胡  
應求鍾祥霏蔡大綱劉萬韜鍾翰柱胡崑鍾聲謝瑞鴻楊  
以僱楊聲湯遠黃道緝耆民歐陽上通

雍正五年知縣徐希茂率諸生楊兆嶧賴聖偲劉亮等重修

雍正八年署教諭楊遇泰奉學使于檄行率諸生楊方堅等  
改建儒學頭門乾隆十八年知縣郭燦率領合邑紳士賴  
定瑤楊于位楊于淵楊于莊賴定俸楊長縉劉份賴定遇  
朱芾胡文繡楊元直廖攀桂鄧日馭楊安國楊兆諱李日  
炳謝栢嵩耆民李錦士等重新培高地基二尺陞高間架  
五尺週迴繞以廊閣添廊柱九楹石欄二十五間兩廡戟  
門俱各展寬陞高原西廡稍淺借出街地左右配合均平  
原泮池橋道平淺亦推前展拓改用拱橋加濬深廣陞高  
櫺星門三尺改原泮宮門爲屏牆左右另開耳門殿中恭  
懸康熙二十二年

瑞金縣志

卷三

學校

七

聖祖仁皇帝御書萬世師表扁額雍正四年  
世宗憲皇帝御書生民未有扁額乾隆三年  
高宗純皇帝御書與天地參扁額嘉慶四年  
仁宗睿皇帝御書聖集大成扁額道光元年  
宣宗成皇帝御書聖協時中扁額咸豐  
文宗顯皇帝御書德齊懋載扁額

今上御書聖神天縱扁額

舊按學宮修理自知縣郭以後乾隆乙未年知縣金復  
倡修牆垣與泮池二處嘉慶丙辰年知縣劉偕城鄉紳  
士修整東西兩廡等處需費數千有奇俱係合邑各輸

樂助而

大成殿則遊擊鍾春振一人捐修需費數千金明倫堂勒有碑記後歷久不治漸就坍塌嘉慶二十二年知縣蔣方增集眾紳重修敦勸樂輸未踰年而

聖殿門庭殿廡以及櫺星泮池尊經閣無不次第繕完復于崇聖祠後充拓地基以舒地氣一時頓改昔觀其經理督工則學博廖駒龍黃煜二君工未及竣黃以遷秩去接任爲張君金鎔邑中城鄉紳士候選道鍾盛昌杭州副將廖輝職員鍾盛槐楊其星楊其汾廖雲楊家驊貢生鍾章桂袁翥雲謝淮誥陳起銳劉善宋華生監李清揚劉

超源危肇祥章繼銓楊國芸楊泰銘胡昌祚周可宸劉起誠楊于時楊元穆陳一新賴定晏賴宇堂陳承荆陳蓮青張兆熊楊文雄胡昌優鄧栢和劉多瑜劉盛階胡昌億劉昌綬洪遂堂蔡揮五王翠環梁廷歡朱春華梁馨廷鍾嘉會劉儲五許振誥楊萼廷張友堂陳作霖周遇廷周鳳廷陳長陶楊茂莊聶芳位劉大晏等各踴躍尙義與有勞焉

大成殿

崇聖祠及兩廡六祠俱於同治三年被寇焚燬於同治七年城鄉紳士議定派貲修復倩生員李幹駐局朝夕督理



備殫勞辛數惜幹矢志公慎而及身未見工竣

廟制

至聖先師孔子神位正中南向

東配復聖顏子 述聖子思子

西配宗聖曾子 亞聖孟子

東哲先賢閔子 冉子 端木子 仲子 卜子 有子

乾隆三年升配

西哲先賢冉子 宰子 冉子 言子 顓孫子 朱子

康熙五十年升配

東廡先賢蘧瑗以下至邵雍共三十八人先儒自穀梁赤以

瑞金縣志

卷三 學校

下至陸隴其共二十三人

西廡先賢林放以下至程頤共三十八人先儒自公羊高以

下至蔡清共二十三人

雍正二年題准復祀者六人林放蘧瑗秦冉顏何鄭康成范

甯增祀者二十人縣置牧皮樂正子公都子萬章公孫丑

諸葛亮尹焯魏了翁黃幹陳淳何基王柏趙復金履祥許

瑾陳澹羅欽順蔡清陸隴其

乾隆三年題准復祀者一人吳澄宜配

崇聖祠者一人張廸每歲春秋二仲月上丁日祭

道光二年御史馬步蟾奏請明臣劉宗周從祀奉

言劉宗周准從祀西廡列於明臣蔡清之次

道光三年先儒湯斌從祀東廡同治二年移祀西廡

五年黃道周從祀東廡同治二年移祀西廡

十年陸贄從祀東廡呂坤從祀西廡

二十三年文天祥從祀東廡

二十九年謝良佐從祀東廡

咸豐七年先賢公孫僑牧皮從祀於西廡同治二年移祀東

廡

九年陸秀夫從祀西廡

十年曹端從祀東廡同治二年移祀西廡

瑞金縣志

卷三

學校

十

同治二年毛亨方孝儒呂枏從祀東廡

七年袁燮從祀西廡

先賢蘧瑗澹臺滅明公明儀原祀東廡同治二年移祀西

廡

先儒孔安國鄭康成范甯司馬光李綱張栻陸九淵真德

秀金履祥陳澧薛瑄劉宗周孫奇逢陸隴其俱原祀西廡

同治二年移祀東廡董仲舒杜子春諸葛亮王通韓琦楊

時李侗呂祖謙蔡沈魏了翁王栢吳澄許謙王守仁俱原

祀東廡同治二年移祀西廡

祭品

正位羊一豕一牛一雍正三年加爵三實大登一實大釂二實

羹實黍簋二實稻

左籩八 右豆八 尊一 篚一盛帛祝版一籩實形鹽

栗 榛 菱 芡 鹿脯 豆實 韭菹 菁菹  
芹菹 笋菹 鹿醢 魚醢 醢醢

四配羊豕同 爵三 登一 釂二 簋一

左籩六 右豆六 尊共一 篚一

十二哲豕一 爵釂簋篚各一 邊豆各四 尊共一

兩廡豕一 爵簋篚各一 邊豆各四 尊篚各一

禮儀

瑞金縣志

卷三 學校

祭前三日獻官陪祭官執事人等沐浴更衣散齋一日致齋

一日祭前一日執事者設香案牲房外獻官常服引贊詣

省牲所省牲執事者牽牲省牲畢宰牲以盤盛血少許餘

畢埋祭日黎明將行禮讀初嚴編燃庭鼓再嚴贊禮樂舞

兩鼓三嚴引贊各獻官至通贊樂舞生各就位執事者

各司其事陪祭官各就位分獻官各就位獻官就位瘞毛

血迎神行三跪九叩首禮奠帛司帛者正祀由中門入四

隨左右詣各神位行初獻禮引贊詣盥洗所浴手淨巾詣

酒尊所司尊者舉巯酌酒詣

至聖先師孔子神位前 跪 奠帛 獻爵 叩首 興 詣

讀祝位通贊 眾官皆跪引贊 讀祝文通引贊 叩首興引贊

唱 詣 復聖顏子神位前 跪 奠帛 獻爵 叩首

興詣 宗聖曾子神位前俱如前儀 通贊 行分獻禮各引贊

官至十哲兩廡引贊 行禮俱如前儀 又唱 詣 述聖子思子詣 亞聖孟子

神位前俱如前儀 復位通贊 行亞獻禮俱如初 行終獻禮俱如初

儀 惟執事者在廟 通贊 飲福受胙進酒進爵者立于

取正壇羊左肩胙至盤中引贊 詣飲福受胙位引獻官

又二執事者立案西向唱 祝位 跪 飲福酒東執事者奉酒獻官飲 受胙儀同飲

由中 叩首 興 復位通贊 三跪九叩首 平身 撒饌

送神行三跪九叩首禮讀祝者捧祝司帛者捧帛各詣瘞

瑞金縣志 卷三 學校

所 讀祝者先跪取祝文司帛者次跪取帛轉身向外立正

望瘞引贊 詣望瘞位焚祝帛數帛自一端 復位通引 禮畢

樂章

迎神樂奏咸和之曲無舞

大哉至聖道德尊崇維持至化斯民是宗典祀有常精純

并隆神其來格於昭聖容

奠帛樂奏甯和之曲有舞

自生民來誰底其盛惟師神明度越千聖案帛具陳禮容

斯備黍稷非馨惟神之聽

初獻樂奏安和之曲有舞

大哉聖師實天生德作樂以崇時祀無斃清酌惟馨嘉生  
孔碩薦修神明庶幾昭格

亞獻樂奏景和之曲有舞

百王宗師生民物軌瞻之洋洋神其甯止酌彼金罍惟清  
且旨登獻惟三於禧盛禮

終獻曲同亞獻

徹饌樂奏咸和之曲一作宣和無舞

犧牲在前籩豆在列以享以薦既芬既潔禮成樂備人和  
神悅祭則受福卒循無越

送神樂奏咸和之曲一作祥和無舞

瑞金縣志

卷三

學校

有嚴學宮四方來崇恪恭祀事威儀雝雝昭茲惟馨神馭  
還復明禋斯畢咸膺百福

望瘞曲同送神

學宮內祠宇附

崇聖祠即啓聖祠原在明倫堂後雍正元年

詔追封啓聖公以上并王爵

木金父公肇聖王

祈父公裕聖王

防叔公詒聖王

伯夏公昌聖王與

啟聖王而五改啟聖祠為崇聖祠因原祀窄隘曾移祀于尊經閣下其原祠改祀

文昌帝君乾隆十八年重建學宮復修理

文昌宮為

五王殿

五王神位俱正中南向

東配先賢顏無繇 孔鯉 從祀先儒周輔成 程珦

蔡元定 孔氏孟皮 咸豐七年從祀

西配先賢曾點 孟孫氏 從祀先儒朱松

禮儀陳設與

瑞金縣志

卷三 學校

十四

文廟同 配享同十哲從祀同兩廡

明倫堂在

文廟左向俱同學宮修建乾隆十八年牆垣損壞修整完固

文昌祠原在尊經閣雍正二年改祀于原

啟聖祠乾隆十八年改原敬一亭為

魁星閣分上中下三層上祀

魁星中安

文昌帝君神像下為明倫堂二門

尊經閣在

文廟後明崇禎三年教諭張祈年建後俱同學宮修葺雍正二

年祀

五王于此乾隆十八年移祀

五王于原祠此仍為尊經閣左為進德齋右為修業齋因原址偏左前院落稍偏拆移歸正推後丈餘

敬一亭原在明倫堂二門前乾隆十八年移建于後堂名宦祠在戟門左祀

宋令王樞 聶子述 孟植 縣丞 郭孝友

元縣尹曾仕魯 明知縣阮衍 萬琛 王鈇 趙勳

教諭李明聰 陳燦

國朝知縣錢江 督學使高瓚共十三人

瑞金縣志 卷三 學校

十五

鄉賢祠在戟門右祀

唐將軍馮祥興 宋諫議大夫劉鵬

監察御史賴夢雷 孝子龔彭壽

烈士劉十六郎 明達州知州湯拱

南京國子監博士楊以任 舉人朱國卿

都勻知府楊以傑 饒州府教授楊以位

共十人

忠義孝弟祠在櫺星門右雍正二年建祀

唐馮祥興 宋劉鵬

北靖州知州劉舉夔 劉十六郎

孝子龔彭壽

明孝子謝仕蘭

朱鑑

劉贊嶽

以上各祠俱春秋仲月上丁日祭

祭器

庫在東廡下

木祝版二座 磁登一個 磁鼎十一個 磁毛血碟十

六個 磁硯二十二個 磁簠六十一個 磁簋六十一

個 磁罍尊八個 磁著尊八個 磁彝二個 磁香爐

十八個 銅勺八個 竹絲邊二百四十六個 木豆二

百四十六個 木饌盤十六個 木牲盤十八個 木俎

二十架 盥盆木架二座 錫盥盆二口 錫茅沙池二

瑞金縣志

卷三

學校

十六

個 毛血銅盆二口 木高照四十六座 帛篚盒十八

個 木牲臺五十三對 紬幕帟八個 鐵庭燎爐八柱

鐵燎叉四把 鐵燔爐二座 供桌六張 紬桌帟十八

個 銅爵五十四個 以上樂器兵燹後無存

樂器

庫在廡下

大鼓一架 應鼓一架 搏拊二架 琴六張 瑟二張

笙六攢 鳳簫二排 洞簫六枝 篪二枝 柷一座

佾翟四大枝 舞籥四十八枝 石磬十六枝 銅鐘十

六口 象簡六塊 磨旛二座 千二面 戚二把 楹

鼓一架 鼗鼓二架 琴桌六張 龍笛四枝 塤二合



敵一座 羽毛一百四十四枝 鐘磬架一座 旌節二座 緞傘簷一幅 以上樂器兵燹後無存

舊存祭器 係楊時省捐置

錫香爐花瓶燭臺一幅 共五件 銅酒樽四個 錫調羹四枝

錫盤十六個 外 銅爵四十三個 錫簋簋二十二個

錫盃六個 邊豆六十八個 大木盤六個 小帛盤七

個 銅爵五十四個 以上祭器俱兵燹後無存

新頒樂章

昭平之章

大哉孔子先覺先知與天地參萬世之師祥徵麟紱韻荅

瑞金縣志

卷三 學校

金絲日月旣揭乾坤清夷

宣平之章

予懷明德玉振金聲生民未有展也大成俎豆千古春秋

上丁清酒旣載其香始升

秩平之章

式禮莫愆升堂再獻響協鼗鏞誠孚壘齋肅肅雍雍譽髦

斯彥禮陶樂淑相觀而善

叙平之章

自古在昔先民有作皮弁祭菜於論斯樂惟天牖民惟聖

時若彛倫攸叙至今木鐸

懿平之章

先師有言祭則受福四海饗官疇敢不肅禮成告徹毋疏毋瀆樂所自生中原有菽

德平之章

鳧繹莪莪洙泗洋洋景行行止流澤無疆聿昭祀事祀事孔明化我烝民育我膠庠

共六章前譜春祭所用後譜秋祭所用二月律中夾鐘以夾鐘為宮八月律中南呂以南呂為宮故辭雖同而譜各異也

頒發書籍

瑞金縣志

卷三

學校

十八

御纂周易折中二部 書經彙纂二部 詩經彙纂一部

春秋彙纂二部 性理精義二部 廿一史一部

明史一部

御批通鑑綱目二部 綱目三編一部 日講四書解義一部

上諭七部 儀注二本 學政全書六部 授時通攷一部

文廟樂章三本 各壇廟祭文一本 駁呂留良講義三部

欽定四書文二部

以上俱布政司奉勅頒發

綱鑑正史約一部

大學衍義輯要一部 衍義補輯要一部 四書翼一部

四書初稿一部 呂子節錄一部 孝經注解一部

小學纂註一部 近思錄集解一部 養正遺規一部

訓俗遺規一部 從政遺規一部 教女遺規一部 以上俱撫

院陳宏  
課頒發

兵燹後書俱無存

教諭廨在 五王殿左

訓導廨在教諭廨前

學宮後離牆數十步有楊姓地一區橫若干丈直若干丈乾隆八年紳士鍾泰嶽賴定俸劉份楊枝屏等將公費銀買得其地填平構屋其上租與人住永不許於此開挖坑坎以傷龍脉

舊按學宮後舊屋久廢堆積灰土嘉慶二十二年丁丑

瑞金縣志

卷三 學校

十九

知縣蔣重修

文廟邑紳僉云

崇聖祠後餘土逼窄不能舒氣清查餘土原基直一丈六尺橫三丈八尺外有巷通學署為附近鍾劉胡三姓出入共由之路靠巷劉姓豎屋五間已售與賴邦珍得價一百五十兩即將公費照原價向賴姓買折填平地基四面方整築牆圍入學宮內以作後院栽植樹木以培來脉仍將牆外餘土抽出小巷便于各姓行走

學額

邑自乾隆十九年改隸甯都州屬文武人學定額俱十五名  
廩膳生二十名增廣生二十名同治三年以連歲軍務費  
六萬餘邑人楊世霖邀集城鄉各紳稟請邑侯孫文俊辦  
文報銷並彙費呈請

撫  
藩  
部  
二憲蒙咨

准增廣文武學額各六名

學田附

潘舜歷曰國家教育人才全藉廣文激勸鼓舞蓋其責也

瑞金縣志

卷三 學校

二十

其官曰教諭曰訓導無非以教爲職教莫先于課士作文  
然余每觀青氈之中經師人師未嘗乏人卽一邑之內俊  
秀林立未嘗乏才第昔俸薄課作無資遂以青氈途暮  
爲辭予爲扼腕故入瑞每月三課供具必虔聊佐廣文激  
勸鼓舞之力耳及覩瑞庠向有租田皆清廢寺之業及鄉  
人願輸者歲入可資師生課藝之費以其餘者移縣解道  
萬歷戊午鄉人鍾承都願捐已田計共一百工正充入本  
學以贍課用余嘉其義送入學師而并紀之若師能倡導  
課作勤而人文起未必非學田之力也青氈雖冷皆從聖  
學出身盡是道德之人甯肯乾沒其實而虛此捐田之意

耶舊志

明嘉靖庚子知縣王鈇既建鄉校又查出華光法樂二廢寺田羅溪廢廟田久為民間侵佔及勝因寺田多僧少率為虛費每名給與田二十工以資口食餘田及民人蕭甫潔願入官田本縣續買田共五百二十一工半充為學田每年收租谷四百九十八石七斗除扣糧差外悉為師生供應之資

記見藝文志

勝因寺田共計田二百九十三工正載民糧五斗八升七合

正

一田四十四工坐落常鄉一里地名箬別等處每年納租

瑞金縣志

卷三 學校

二十一

谷四十四石 西坑田二十四工 婆太樹下田四工 中混水田四工 磚口田七工 下庵田五工

一田四十八工坐落常鄉黃鱸口等處每年該租谷四十

八石 高車坪田十五工 混水田二十二工 白竹排 三工 箬坡混水田八工

一田二十工坐落常鄉一里地名容坑每年該租谷二十

石 葛藤嶺下田四工 大堰上分田十工 半工裡田 一工 大堰下分田五工

一田一十二工半坐落常鄉一里地名山心每年該租谷

一十二石五斗 山心大堰田十工 陂頭上田半工 阿背田二工

一田二十工坐落常鄉一里土名山心規頭每年該租谷

二十石 規頭坑田十七工 樟樹下田二工 員堰坑 田一工

一田十二工半坐落常鄉一里地名師姑堂每年該租谷  
一十二石五斗師姑堂大堰田六工 桐子樹下田四工 小坑口田二工半

一田八十八工坐落常鄉一里地名箬別等處每年該租

谷八十八石峽隴田四工 竹竿背田七工 坳背田三工 磚坑田三工 混水田七工 磚

坑田七工 東坑田二十四工 大窩裡田二十四工  
混水田七工 白竹角田二工

一田四十八工坐落常鄉一里地名箬別等處每年該租

谷四十八石圳乾上田二十二工 坳背田三工 磚坑田七工 窑前田一工 志雍壩田十工 員壩田一工 蕉頭壩田一工 巖坑口田一工 火星嶼田一工

以上共田二百九十三工該租谷二百九十三石除納糧

差十石外實租谷二百八十三石

瑞金縣志

卷三 學校

華光寺田共八十零半工原載官糧六斗一升七合

一田四十工坐落常鄉一里地名新義等處每年該租穀

四十石楓樹下田九工 溫壠田二工 橋頭田三工 上灌背田三工半 沙塘田一工 出水窟秧

塘田一工半 灌背田七工 下灌背田五工 高塘田二工 蓮塘田三工 橋頭田三工

一田四十零半工坐落常鄉一里地名新義等處每年該

穀四十石零五斗謝家坵田八工 廟前壠田三工 灌背田三工 橋頭田四工 和尚

圳田五工 出水窟秧塘田一工半 佛子背田十六工

以上共田八十零半工該收租谷八十石五斗除納糧差

三石八斗外實租谷七十六石零七斗

法樂寺田四十八工原載官糧三斗九升一合

一田三十工坐落常鄉一里地名賴坊每年該租谷十八

石糯坵田四工 三角坵田五工 長坵田六工 蛇坵田三工 近河一帶田一十二工

一田十八工坐落常鄉一里地名抱方計一坵每年租谷七石二斗

以上共田四十八工該收租谷二十五石二斗除納糧差二石四斗外實收租二十二石八斗

羅溪廟田一十七工原載民糧一斗零七合

坐落常鄉一里地名歷任每年該租谷一十七石除納糧

差六斗外實收租一十六石四斗廟背田二工 旗頭上田五工 旗頭下

田八工 張屋板田一工 藍屋田一工

瑞金縣志

卷三 學校

蕭甫潔願入官田四十工載民糧一斗八升

坐落浮鄉三里地名脚陂等處每年該租谷四十石除納

糧差二石外實收租三十八石黃沙壠田八工 蔴草坵田十二工 下村塘

頭下路田八工 塘頭路背田十二工 野鴨塘灌蔭水利一分

本縣續買危种田四十三工載民糧二斗一升五合

坐落浮鄉三里地名旱頭等處每年該租谷四十三石除

納糧差二石外實收租四十一石

明隆慶三年知縣呂若愚續買田六工載糧二升四合

坐落常鄉一里地名石塔每年租谷六石給看守陽明祠

之人自取以爲工食

明萬歷辛亥知縣項元濂斷賴惟中白茅庵隱田二十二畝  
八分入學後其子生員賴時桂二次告回八畝五分五厘  
九毫實在田一十四畝二分四厘一毫

按白茅庵卽龍獅庵此田向係庵僧耕種每年除還學  
租外餘歸庵僧祀奉香燈後僧本崇燕全陸續將田私  
退謝會東賴昌作耕種均得受墜耕錢文官業漸成私  
產嘉慶二十四年儒學張金鎔牒縣清理經知縣蔣飭  
差集訊以田旣歸學卽係官業庵僧得錢盜退謝會東  
等私行頂佃均屬不合斷令該田聽學召佃耕種租谷  
照舊數分別交納庵僧驅逐另召住持在案嗣於道光

瑞金縣志

卷三

學校

二十四

二年二月準學移會並據貢生賴雲峯賴冠源賴亦山  
生員賴晉臣賴晉如賴勳臣監生賴偲亭賴旭雲賴志  
中賴清源賴履安等呈請將從前生員賴時桂告回之  
八畝五分五厘九毫久經退出歸學懇恩立案並將復  
捐緣由及學租十八石二角半庵租四十石數目載入  
邑志永遠皮骨歸學以杜日後子孫乘隙生端又據庵  
僧續遠個人賴洪松遞具認住認耕各結狀到縣除分  
別移覆批發立案外特爲詳載於此

明萬歷戊午知縣潘舜歷准鍾奉都願捐田一百二畝民糧  
三斗五升



坐落承鄉三里地名石螺嶺下松栢嶼等處每年該租谷七十六石一斗扣除糧差外悉資師生供應

一田三十二工半每年租谷二十六石

石螺嶺下乾上田十工 路下田七

工 湖背大路下田三工 黃泥坑口田一工 稍船湖尾二工半 官才潭大路下田二工 社下田七工

一田三十二工半每年租谷二十六石

下乾上田十二工 十字路田一工

半 十字路下田圳背田一畝一十九工

一田七工每年租谷五石二斗

乾上田三工 船形田四工

一十字路田五工半每年租谷四石四斗

一麻布坑口田三工每年租谷二石四斗

一赤岡田十工每年租谷六石

瑞金縣志

卷三 學校

一大坑田四工每年租谷二石四斗

一赤岡田一工 麻坵田三工半 一小坑田一工

以上學田自隆慶以後內有壟水衝崩租鮮全收 舊志

明萬歷丁巳知縣潘舜歷鼎建文興寺以護巽塔時邑民曾克秦施常鄉田五十畝入寺供僧後寺廢其田遂為拱辰寺僧收管乾隆十八年克秦裔孫元凱等因將原田送入學宮以供諸生科費并歲科兩試優等花紅之用計每歲收租穀一百角正載糧若干坐落土名常鄉潭屋隘夏羅

坑

一會東喬耕田一工

一會兆杖耕田二工三合三勺三抄四撮

一會公望耕田二工三合三勺三抄四撮

一會兆汀耕田五工

一會周孫耕田二工五合

一會勉軒耕田二工五合

一會旭來耕田三工二合

一會愧韶耕田三工二合

一會長復耕田一工三合三勺三抄

一會長廣耕田五工

一會長均耕田四工二合六勺六抄四撮

瑞金縣志

卷三 學校

二十六

一會望周耕田十六工三合三勺三抄四撮

一會可復耕田一工

書院附

綿江書院在縣治西南明嘉靖庚子知縣王鈺建鄉校于此  
辛酉閩寇發軍門陸公穩提兵駐縣署縣事知事苗洸  
乃卽鄉校改爲都察院居之嗣後遂爲行署而鄉校之名  
遂泯隆慶己巳知縣呂若愚整理舊司居宿上官修復鄉  
校之舊立陽明王公之像于中而以前縣王鈺配之扁曰  
綿江書院萬歷八年奉文徧鬻書院知縣黃起先酌議以  
書院乃舊學基址將社學改賣以社學扁懸書院頭門

中爲開先堂

後爲仰賢堂

後爲步雲樓易經號房十間書經號房十間詩經號房八間  
講堂東西各三間

以上舊屋共三十六間空土甚濶世亂俱被居民侵占俟

重修鄉校之日清出

舊志

國初戊子廣寇流入瑞邑四方避寇者蜂屯書院後遂攘據不  
返甲戌生員劉嘉廣朱衣繡胡裕昆鍾秉沛等始清復舊  
址知縣田俞倡率紳士鼎建經始于乙亥中輟于丙子迄  
壬午復集紳士十七人卒其工至丙戌告成中仍爲仰賢

瑞金縣志

卷三

學校

二十七

堂祀

王文成公神位正中南向配以明知縣王公鉞呂公若愚神  
位東西向堂高三丈有奇廣五丈三尺深五丈一尺左右  
耳房各廣一丈二尺深二丈五尺後步雲樓視堂高倍十  
尺廣如堂深殺八尺後改祀

文昌帝君于堂祀

奎星于閣前爲五經房共計十八間五經房右去思祠牆垣  
周遭凡百餘丈記詳藝文志

董事生員鍾祥霖貢生楊枝萃生員朱純謝孟育謝孟  
位胡拔胡應聘賴聖職鍾祥霖鍾覺揚枝璋楊枝杰陳

紹曾胡應運胡應瑄楊長柳胡陶

康熙五十八年知縣任灃重修號舍至乾隆十八年僅存頭門五間東邊號舍六間餘俱頽圯僅存地基丈明東邊南自井頭牆脚起至北頭古牆脚水圳爲界長二十九丈三尺五寸西邊自北牆脚至去思祠後簷長一十九丈五尺前後自東至西橫濶一十六丈三尺大門外空院橫濶三丈三尺又自井頭至塘墜橫濶三丈一尺五寸又另買去思祠前大街外胡宅空土橫濶五丈五尺直長三丈五尺查大門外空坪係李茂陽裔孫捐出

按知縣莊楠於乾隆二十七年倡率重修改建中構三

瑞金縣志

卷三

學校

二十八

楹手書居正行和匾額前爲東西文場後祀王文成

公正中南向書致道堂又書聯云盛世宗文本實學以植其基則祠章乃發見之誠非矜聲悅名儒立教由良知而致其極則事業乃推行之緒自著旂常厥後改祀

文昌帝君左設去思牌位右書院膏火祿位左邊翼屋一連

七間右邊正屋三間遷祀王文成公頭門上爲魁星樓

舊按瑞邑向時無考棚自乾隆壬午莊前縣重修綿江

書院邑人劉暲等議請建立考棚始倣贛甯規制有東

西文場之設迨嘉慶二十一年梁柱欹側屋瓦滲漏知

縣蔣捐廉倡率紳士等將東西文場全行拆卸重新建

造並兩邊添築短牆以禦風雨二十二年春工竣  
附錄綿江書院膏火田租細數

署知縣周樹于嘉慶十四年捐銀壹百五十兩買黃遠  
貴土名七堡隘陳公坑早晚皮骨田五工共計二十八  
坵石頭塘一口庄屋二間煙寮地基一塊糞湖一口茨  
所地基共一塊菜土六股半廳面倒座渡水前路後出  
路門前空坪後龍巒林竹木等項廝共禾坪二分之一  
隨田山岡一處黃荆壩橋角頭山岡一處又打鼓石山  
岡一處每年納租壹十六石契一紙外查出乾隆四十  
年胡文通賣與黃會川老印契一紙又乾隆四十年胡

文通不敷白契一紙又四十六年胡文通不敷白契一  
紙嘉慶十年黃粹廬退契一紙又嘉慶十年黃粹廬賣  
與黃期亮印契一紙共印白契五紙同會榮陞領原耕  
黃遠貴墜耕錢領狀一紙均查明彙交管理書院生員  
章繼銓收存

一胡嵩捐土名潭屋隘黃家山學寮背田壹十一工共計  
七坵存康熙五十七年無尾印契一紙

一楊邱氏捐土名車斷隘田心岡排下早田二十二工計  
十七坵獨分地基一塊存乾隆十一年印契一紙

一鍾夢鳳捐土名潭屋隘葉坪早田十二工二合半計十

一坵存乾隆三十年白契一紙

一生員曾紹龍捐土名潭屋隘上朱坊早晚田骨十畝共計四十三坵魚塘一口存乾隆二十七年無尾印契一紙

一熊王氏捐土名鵝公隘籬陂田五工計十四坵又屋邊田二截已塘一口庄居二間廳面一半存乾隆十年廖昌達退袁大萬白契一紙

一李成鉅文苑捐土名七堡隘園背墩田五工計五坵松山下塘面左邊庄居三間上下廳面一半糞寮茨所一應在內存乾隆三十一年印契一紙

瑞金縣志

卷三 學校

三十

又捐土名七堡隘岡背田十二工五合計十二坵獨分陂一座存乾隆三十一年印契一紙

一楊待詔捐土名潭屋隘簸箕坪田四十工計三十二坵存乾隆三十四年印契一紙老白契二紙

一陳卓卽伯人捐土名大埠隘官山甲田二十五工計十五坵塘三口并庄居瓦屋存乾隆三十七年白契一紙無尾印契二紙老退契三紙

一胡李氏捐土名松山腦田十工計四十坵塘一口存康熙五十八年印契一紙康熙六十年印契一紙乾隆十四年印契二紙乾隆十八年印契一紙乾隆二十一年

印契一紙二十二年印契一紙乾隆十九年白契一紙  
乾隆二十四年白契二紙乾隆二十九年白契一紙共  
印白契十一紙

一僧野明捐土名桃陽隘箬別甲山岡并土油租存乾隆

二十年無尾印契一紙

以上共印白契三十四紙均經知縣蔣驗明蓋戳不計  
私典私押交生員章繼銓收存

無契膏火田附開于後

一鍾集成捐土名圓通田 工

一楊子雷捐土名榮籃陂田十三工計十坵

瑞金縣志

卷三 學校

三十一

一蕭永寶捐土名鵝公隘塢心田十四工五合

又捐土名大埠隘砂林田三十七工五合內毀去五工

一章胡氏捐土名浮田塢五龍岡田三十五工計十一坵

又捐土名沙陂田九工七合五勺

一鍾肇誥捐土名潭屋隘上朱田十六工有田無租載租十六石

一劉煥捐田十七工無田無租

一鍾集成捐土名圓通田皮九工五合載租十六石無租納

以上有田無契有田無租田畝經知縣蔣查出飭管首

稽清

新增產業

一買楊煥衢西關外通盪直大街藏字號坐北向南店房一間前以官街爲界後以自己封火牆爲界左右以廝共磚墻爲界又後棟土庫一大間前以自己磚墻爲界後以廝共磚墻爲界左右俱以廝共磚墻爲界又橫街店房一間一直兩棟前以官街爲界後以雲龍橋局廝共墻榻爲界左以楊東川廝共墻心爲界右以楊荇侶廝共墻心爲界當去價銀四百七十六兩正書契爲據

一買楊煥衢通盪街藏字號右邊封火店房一直並後棟計土庫共一間前以官街爲界後以自己封火墻爲界左以廝共墻爲界右以自己封火墻爲界又關帝廟上街閨字

號水巷口左街坐南向北店房一間樓下土庫一間前以官街爲界後以河墘爲界左右俱以廝共墻榻爲界又閨字號右邊從水巷口轉角來橋之右邊店房一間前以官街爲界後以廝共墻榻爲界左右俱以廝共木榻爲界當去價銀六百一十五兩正書契爲據

一買鍾寶崑早晚皮骨田七工正坐落土名浮田墩赤沙廟前小土名蔴沙隴田一工五合計一坵又高圍頭田一工五合計二坵又馬戰灘田一工計二坵又羅溪圳背學堂門首田三工計一大坵以上共計田六坵以及湖陂水例照田均分當去價銀一百四十兩正書契爲據



王文成公祠後於同治十三年知縣張增建房屋一進前後六間又廂屋一間披屋一間以邑人楊元應經理其事

社學附

在城內舊爲養濟院明隆慶四年知縣呂若愚遷院于西門城外卽其地建社學萬歷八年知縣黃起先奉部文徧鬻書院議將社學抵鬻改書院扁曰社學後復爲書院而社學之名遂廢

坊表附

大成聖域坊

舊在宣文門外即文運開先坊舊址明知縣潘舜歷建康熙辛酉知縣徐友貞重建今廢

文運開先坊

舊在儒學前宣文門外陸慶庚午知縣呂若愚建今廢

撫綏坊

縣左

保障坊

縣右

諫議坊

北城外明知縣呂若愚為宋諫議大夫劉鵬建今廢

世篤忠烈坊

在學宮右為宋諫議大夫劉鵬北靖州知州劉舉夔建乾隆十七年知縣郭燦重修

青雲坊

豸史坊

俱為宋監察御史賴夢雷建今廢

進士坊

為謝富陽建今廢

大夫里坊

為達州知州湯拱建今廢

瑞金縣志

卷三坊表附

文魁坊

為舉人劉葵王雍戴汝器劉道謝元賀楊以傑建今廢

冬官坊

為工部主事劉衡建今廢

黃堂別駕坊

為通判劉贊勳建今廢

應宿坊

在梅坑離城三十里為知縣梁棟建

宣風百里坊

為知縣謝乾道建今廢

寶興魁選坊

西城外箭樓下為劉芳鍾乾鄧仕建今廢

旌義坊

一為周子智 一為危黃孫 一為鍾叔宏 一為鍾子堅 一為湯 一為朱崇義

貞烈坊

在城內一為生員許宗慶妻劉氏建 一為毛冠易妻廖氏建

貞壽坊

在夏坊為楊萬璞妻曾氏建

貞節坊

在龍頸街為楊正懋妻蘓氏建

節孝坊

鄧先楫妻張氏

賴時蓮妻朱氏

楊兆嶠妻鍾氏

賴聖學妻楊氏

劉世延妻康氏

劉芳聯妻朱氏

劉浩然妻陳氏

楊其寬妻毛氏

楊以佖妻袁氏

陳尙忠妻鄧氏

李 聲妻賴氏

楊方翟妻謝氏

劉芳忠妻楊氏

楊兆濂妻賴氏

鄒學律妻劉氏

陳宗達妻謝氏

賴聖銳妻林氏

郭遠詩妻鍾氏

羅大璜妻鍾氏

賴聖麒妻劉氏

賴聖佺妻彭氏

許受誥妻鄧氏

劉尙卿妻鍾氏

李尙森妻劉氏

楊枝益妻吳氏

陳嘉濬妻楊氏

旌義坊在智鄉四甲為義民陳孟珪建

明天順三年孟珪捐

谷五百二十五石賑

濟江南飢民 勅賜冠帶

建坊旌表至今遺蹟尙存

廖輝進士坊在西關外象眼塘大街嘉慶十二年建

補增

瑞金縣志

卷三坊表附

楊于位進士坊在夏坊

楊方立進士坊在西關外聖恩寺門首

承恩坊危大用於明萬歷間捐谷一千二百石賑饑建在宗

祠右大街側

三十五

公署

自古設官以爲民是故民事公事也記曰在公言公言公有人卽治公有地縣邑何獨不然黌宮膠序專爲育士之地而農工商賈皆不能無教縣官之事也於是每月之吉屬民宣講

聖訓庶幾文秀椎魯圖而聽者咸知孝弟禮義顧爲教也欲普則度地也宜寬今志公署首敘

上諭亭爲敬讀

聖訓之地俾四民均沾

至教也次之以縣署爲讞鞫文案之所次之以巡典官廨所以佐

瑞金縣志

卷三公署

三十六

縣治也次之以各營場署所以簡習卒伍也行署郵亭官之傳舍附焉而皆因民以設官因官以置地故有因其地而改拓其基者有無其地而仍存其名者可不備詳其始末歟

上諭亭在城內城守營署左爲知縣教諭訓導等宣講

聖訓處乾隆三十四年知縣金克誠恭建歷四十餘年至知縣蔣方增任率同紳士人等諏吉恭修中以巨石作柱圍牆高二丈七尺廣五丈八尺地基直深十九丈嘉慶二十二年二月興工二十三年四月工竣

縣署在城東隅宋紹興壬申令聶子述循故址建元至正癸

已災庚子令文中重建

白中丞西江志此下有元初縣尹曾仕魯復建贛州府志及舊志皆

不載明正統壬午又災巡撫楊甯御史韓雍檄縣重建宏治

甲寅知縣李綸從而增廓正德己卯知縣鮑珉撤新之中

為堂三楹幕庫吏舍譙樓旌善申明諸亭賓館獄門階級

并如制後為川堂縣廨旁為典史主簿之署

按主簿缺已奉裁去萬

歷乙卯知縣潘舜歷以寅賓館卑陋拓為三楹顏曰事友堂

國朝康熙十五年丙辰寇變縣治左右六房及譙樓燬二十七

年知縣李嘉卉修葺改戒石亭為木坊敬刊

上諭於上四十九年庚寅暴風仆儀門三間知縣郭一豪重建官廨

瑞金縣志

卷三

公署

三十七

朽蠹將塌支其欹斜僅蔽風雨康熙庚子知縣任灃修建

三堂及六房吏舍乾隆癸亥知縣唐紀修建二堂額曰忠

愛左右房各一西廊闢屋一楹為會客之所衙後向無隙

地而右邊牆外空土一方係宋姓之業明萬歷三十四年

知縣堵奎臨欲於衙後週迴築夾牆以便巡邏因將城隍

廟西邊官地給與抵換三十五年知縣郭維藩又將西門

外箭樓下官土換回城隍廟土基暨造社倉後寇亂焚燬

店房箭樓下地被居民侵佔順治十三年知縣錢江查出

仍給還朱宅

舊按嘉慶十年知縣惲敬蒞任周視合署率多頽損旋葺

治之三閱月而功竣記見藝文志嘉慶二十年知縣蔣方增蒞任將署東隙地葺屋四楹環植修竹顏曰浮筠山館

典史廨在縣治東明宏治間知縣李綸建以後皆隨縣署修葺

湖陂巡檢司在縣治東八十里接汀州界官舍久廢前暫駐壬田寨康熙十七年巡檢方振于城內僦民房以居至今尚未修復

瑞林巡檢司在縣治西北一百里

學署詳學官

瑞金縣志

卷三

公署

三十八

陰陽學在按察司右

今廢

醫學在忠烈祠後舊爲惠民藥局

今廢

僧會司在聖恩寺

道會司在天符宮

永鎮營明崇禎間建于會昌縣之小密後火于賊

國朝守備季孔孝借住瑞金城內後改駐壬田寨雍正十年改

都司仍駐壬田寨

把總司分防署設縣城內察院司左

其箭道係察院司空地

桃陽營舊在邑之南岡順治戊子燬遂廢

外委無署向住南門城樓今住把總署西屋

行署

察院舊爲按察分司在縣治西五十步明洪武初知縣盧恂  
建正統間火于寇成化間推官鄺英重建扁嶺北道隆慶  
三年知縣呂若愚重修改爲察院後久不修僅存基址自  
南至北深二十丈五尺自東至西濶七尺

布政分司縣治西四十步明洪武初知縣盧恂建成化間參  
政張璠檄知縣方瑛重修今廢基址存把總署右

府館舊儒學基址後改千戶所明嘉靖元年知縣鄧杞改爲  
府館嘉靖十八年知縣王鈺以萬公祠壞遷于此扁曰忠  
令祠

瑞金縣志

卷三

公署

三十九

梅岡公館縣治西三十里明嘉靖壬戌知縣張書紳建今廢  
黃安公館去城四十里卽黃安鋪也明萬歷四十四年以其  
地去民居稍遠難守改築于梅鋪舊基址仍存黃安  
按以上行館皆郭志所載今併無考

營制 教場鋪遞附

兵可百年不用不可一日不備所以防奸宄而固藩籬也  
三代以後惟唐府兵之制最為近古我

朝仿其意而變通之自駐防提鎮而下凡水陸要害無不添設

營汛綦布星列控制得宜所以消患未萌而世享

承平之福者其亦立法之盡善歟瑞雖小邑然地當閩粵之交

營制在所宜慎因詳攷原額經制及現存額設與夫講武  
之地遞驛之站錄而記之俾後人知所法守焉

永鎮營在縣東三十里壬田寨守備一員額兵三百後屢奉

裁今現存兵一百三十三名內百總四名管隊五名領旗

瑞金縣志

卷三

營制

四十

一名紅旗四名雍正十年改守備為都司僉書餘如故

城守把總一員雍正七年添設外委把總一員鎮兵四十五

名內百總一名管隊一名

雍正十年增設火藥外委把總一員尋裁

羅漢巖防守兵十名內管隊一名

順治十一年  
移營建設

謝坊塘防汛兵五名內管隊一名

康熙十二年  
建設

舊按本營額定經制馬一步九戰三守七官二員兵二

百名內奉裁步戰兵七名實存額兵一百九十三名各

官自備馬六匹兵戰馬二十四匹乾隆四十七年內奉文

養廉名糧補復實兵內裁馬兵一名步兵一名守兵六



名公費守糧五分刪除其畱存本營養廉馬糧二分改添步兵又步糧八分補實兵額今將現在額數開後

實在官兵一百八十二員名

各官自備馬六匹

兵戰馬一十七匹

額設官三員 內都司一員 駐劄壬田寨 把總一員 專防瑞

汛外委一員 協防瑞金縣汛

額設兵一百七十九名 內馬兵十七名 內外委一員 步兵

三十四名 守兵一百二十九名

駐防縣汛兵丁四十五名

瑞金縣志

卷三

公署

四十一

謝坊水塘兵五名

羅漢巖防兵十五名

存營兵丁一百一十四名

一本營每年額支俸薪經費餉乾等銀三千零七十六兩五錢五分每年額支米六百四十八石遵照在瑞金縣動碾倉谷按月支領所有兵米谷價由縣赴甯都州請領給發買谷還倉

桃陽營明崇禎甲戌年建在城三里許之南岡先時辛未廣賊鍾三會由瑞金歷甯都至撫州各縣撫按議建營房于豐城邑紳南京國子監博士楊以任建議廣賊出入道由

瑞金何爲不守藩籬而守堂奧于是乃建營于瑞金額兵  
五百名酉戌之際廣賊猖獗兵盡從賊營遂廢

舊按瑞金地界閩粵山寇洞酋竊發無時明初會昌千  
戶遣百戶領軍更番戍之此官兵之制也其後革除止  
設機兵四百五十名復奉文裁三十二名取其工食解  
府募長操兵二百八十名于府營團操畱縣守城者止  
一百三十八名而已有司以兵少可虞乃募居民壯勇  
者四百五十名同機兵操練免其差徭遇警調遣此則  
民兵之始也嘉靖十九年寇盜充斥知縣王鈺復以兵  
不足用又選近城三十二排及八鄉之民壯健者一千

瑞金縣志

卷三

營制

四十二

六百充爲鄉兵有事用以守城禦敵無事各散還鄉惟  
浮一浮三鄉兵之在縣城內外者四百五十名以百長  
四名隊長十四名統之每同機兵操練優其犒賞歲給  
銀七兩五錢爲修理衣甲旗幟弓箭之費嗣是八十年  
來太平日久武備廢弛迄崇禎之末四方盜起瑞金數  
爲閩廣之寇所苦攻掠城野乃復鳩集排門壯士以戰  
以守往往搗巢殺賊由是瑞金義勇之名聞遠近焉後  
乃編爲黃白二哨哨有長例得免派差徭春秋二操縣  
官率而訓練之鼎革初寇攻城皆藉二哨之力以禦賊  
此又民兵之變也今機兵改爲民壯額僅五十名歲給

工食銀三百兩然止供役官府與皂快等歲時操練未嘗有也長操鄉兵俱無止存二哨空籍充哨丁者任其去來蓋承平日久視爲附贅矣若所謂弓兵者隸于巡檢司卽宋弓手及寨兵之遺也習弓矢職邏警防險隘其所事也今亦僅供司官值宿迎送勾攝之役而已豈非有弓兵之名而無其實乎城守之兵不滿五十巡邏警察防護難周桃陽營旣廢不復而永鎮營距城三十里雖鞭之長不及馬腹制治未亂保邦未危不可不慎也以上俱續志自康熙丙戌至今又五十載矣地方甯靖當事益不以防禦爲急所云任其去來者今其人旣老死

瑞金縣志

卷三

營制

四十三

無存而空籍之畱且蠹蝕無餘不復可稽考矣五十名之民壯後盡革去雍正初復設尋又裁減存者止十五名亦祇供役有司于地方無涉也巡檢弓兵則并其名而去之何論其實乎雖海宇昇平自無意外之慮然思患豫防之計亦烏可少耶故備志之使後之人得所考焉

按光豐以來永鎮營額設兵丁一百七十八名連把總外委共一百八十名 駐防縣城汎兵丁四十五名 分防羅漢巖陸塘汎兵丁十五名 瑞林寨汎兵丁十名 沿江陸塘汎兵丁五名 九堡陸塘汎兵丁五名 謝坊水

塘汎兵丁五名 每年口糧米六百四十八石每石折價銀二兩扣銀一千二百九十六兩每兩奉文減平六分此項兵米額編甯都州向來由縣領回散放嗣經張邦杰任內改由縣給文歸永鎮營請領支發如遇違曠照章扣除留為彌補閏月不敷之兵米也永鎮營房于同治三年被寇焚燬十年都司福泰稟 憲給費鳩工修復

教場附

舊在縣北明嘉靖己亥知縣王武改縣南隆慶庚午知縣呂若愚改縣城西二里其地寬廣萬歷丙辰潘舜歷建演武亭三間今廢

瑞金縣志

卷三

教場鋪舍附

四十四

按教場有二其一在壬田寨離營署一里係河邊沙壩周圍二百四十六丈改駐以來即以此地較射操演其二在本城西門外二里地名教場裏周圍三百丈

鋪舍附

縣前總鋪

在南門內

三壩鋪

縣南二十里

茅山鋪

縣南四十里

洛村鋪

縣南六十里

以上俱

趙田鋪

縣西二十里生員楊以謨捐地

黃安鋪

縣西四十里以上俱達零都縣

蕉坊鋪

縣東十里達福建汀州府

縣前設鋪司一名僻遞七鋪每鋪設

館兵二名

舊按府志瑞係僻遞驛站走遞人夫四名差馬二匹馬夫一名前志未載今附于此

